

Meeqqanut, Naligiissitaanermut, Akuliutitaanermut Isumaginninnermullu
Ministereqarfik
Ilaqutariit Inatsiseqartitaanerat pillugu Allaffeqarfik
J.nr. 2012-5209 / 1th
16. december 2014

MISSINGIUT

Aappariilersarneq aappariigunnaartarnerlu pillugu inatsisip allannguutaanik inatsisip, aappariinnerup inatsisitigut sunniuteqarnera pillugu inatsisip aamma eqqartuussisarneq pillugu inatsisip aamma nalunaarsukkamik inooqatigiinneq pillugu inatsisip atorunnaarsinneqarneranik inatsisip Kalaallit Nunaannut atuutilersinneqarneri pillugit peqqussut

(Inuit marluk suaassuseqatigiit aappariilernerat)

UAGUT MARGRETHEP AAPPAAT, Guutip saammaanneratigut Danmarkip Dronningia, nalunaarpugut:

Aappariilersarneq aappariigunnaartarnerlu pillugu inatsisip allannguutaanik inatsit nr. 532, 12. juuni 2012-meersumi § 6, imm. 2¹, aappariinnerup inatsisitigut sunniuteqarnera pillugu inatsit aamma eqqartuussisarneq pillugu inatsit aamma nalunaarsukkamik inooqatigiinneq pillugu inatsisip atorunnaarsinneqarnera (Inuit marluk suaassuseqatigiit aappariilersarnerat) pillugu inatsit naapertorlugit inatsit imatut oqaasertaqartillugu Kalaallit Nunaanni atuutilersinneqassasoq aalajangiunneqarpoq:

§ 1

Aappariilersarneq aappariigunnaartarnerlu pillugu inatsimmi, peqqussutikkut nr. 307, 14. maj 1993-imeersukkut Kalaallit Nunaanni atuutilersinneqartumi peqqussutikkullu nr. 321, 26. april 1996-imeersukkut allannguuteqartinneqartumi, makku allannguutigittinneqassapput:

1. *Kapitali 1*-imi qulequtaq imatut oqaasertalerneqassaaq:

“Atuuffia aamma aappariinnermi piumasaqaatit”

2. § 1 atorunnaarsinneqarpoq taarsiullugu ikkunneqassaaq:

“§1. Inatsit atuuppoq inunnut marlunnut assigiinngitsunik suaassuseqartunut aamma inunnut marlunnut assigiimmik suaassuseqartunut aappariilersunut.

§ 1 a. 18 inorlugit ukiulik Naalagaaffiup Sinniisuanit akuerineqarsimatinnani katissinnaanngilaq.

3-5. (Kalaallit Nunaanni atuutilersinneqassanngilaq)

¹ Aalajangersagaq imatut oqaasertaqarpoq: ”Inatsit, § 3 eqqaassanngikkaanni, kunngip peqqussutaatigut tamakkiisumik ilaannakuusumillunniit Savalimmiumi aamma Kalaallit Nunaanni atuutilersinneqarsinnaavoq, Savalimmiumi aamma Kalaallit Nunaanni allannguutaasussat allannguutigittillugit.”

6. *Kapiatli* 7-imi qulequtaq imatut oqaasertalerneqassaaq:

“*Atuutilersitsinermik aalajangersakkat, nunani tamalaani pissutsit il.il.*”

7. § 57 kingorna ikkunneqassaaq:

§ 58. Nunani tamalaani isumaqatigiissutini aalajangersakkat inuit marluk suaassuseqatigiit aappariilersarneranni atorneqassanngillat, uani pineqartut tamanna akuersaarsimanngippassuk.”

§§ 2 aamma 3

(Kalaallit Nunaanni atuutilersinneqassanngillat).

§ 4

Imm. 1. Peqqussut atuutilersinneqassaaq ulloq 1. oktober 2015.

Imm. 2. Nalunaarsukkamik inooqatigiinneq pillugu inatsisip Kalaallit Nunaanni atuutilersinneqarnera pillugu peqqussut nr. 320, 26. aprili 1996-imeersoq, nalunaarsukkamik inooqatigiinneq il.il. pillugu inatsisip allannguutaanik inatsisip Kalaallit Nunaanni atuutilersinneqarnera pillugu peqqussutikkut nr. 375, 15. maj 2009-meersumi allanngortinneqartoq atorunnaarsinneqassaaq, kisiannili inooqatigiinnernut ulloq 1. oktober 2015 sioqqullugu nalunaarsorneqartunut sulii atuutissalluni.

§ 5

Nalunaarsukkamik inooqatigiinneq pillugu inatsit malillugu inooqatigiinneq kommunalbestyrelsi siulittaasuani imaluunniit Naalagaaffiup Sinniisuanit aappariunermit allanngortinneqarsinnaavoq, tak. aappariilersarneq aappariigunnaartarnerlu pillugu inatsimmi § 16, imm. 1. Nalunaarsukkamik inooqatigiinnerup aappariunermit allanngortinnissaanik qinnuteqaatit suliarinissaat pillugu isumaginninnermut, meeqqanut akuliutitaanermut isumaginninnermullu ministerimit erseqqinnerusumik malittarisassiuunneqarsinnaapput.